



新畵訪  
古錄

孝脊



新疆訪古錄卷一

新城王樹枏

漢張博望侯殘碑

西域水道記云張博望殘碑在伊犁南山中文字剝蝕尚餘二十字進鴻鈞於七五遠華西以八千南接火藏北握大宛

方士淦東歸日記云伊犁西南卡倫外那林河草地羣山圍繞中有大海海沿有碑相傳漢張騫所立松公筠遣人摩搨字在有無閒不可辨識案大海卽圖斯庫勒碑已無存

漢李陵題字

宋王延德使高昌行記云自夏州歷樓于山都督山唐回鶻之地又經驪山望鄉嶺嶺上石龕有李陵題字處案其地當在哈密城東鐵爾版金莊及一顆樹附近之地一統志云石刻今不復見

漢裴岑紀功碑

碑在鎮西城北二百餘步關壯繆祠西階下徐氏松度以慮僥尺碑高四尺三寸寬一尺八寸六行行十字隸書其文曰惟漢永和二年八月敦煌太守雲中裴岑將郡兵三千人誅呼衍王壽斬馘部衆克敵全

師除西域之灰蠲四郡之害邊竟艾安振威到此立德祠以表萬世

金石圖云碑在西塞巴爾庫爾城西五十里地名石人子以碑上銳下大孤筍挺立望之如石人故也雍正七年大將軍岳鍾琪移置將軍府十三年撤師又移置漢壽亭侯廟

兩漢金石記云是碑土人有重刻者其真本多爲搨手描失故真本亦往往不同然必其有描失之痕者乃是真本若其無描畫之迹而有失誤者則非真本牛真谷云是碑以篆爲隸然是由篆變隸之漸漢碑

多如此灰卽災字變災爲灰猶寓作厲也重刻本或  
譌作痰而金石圖誤因之牛氏又訛艾爲又文義乖  
違此其最甚者也蓋摹本旣非一本如兵字之上半  
裴振表字之下半諸搨本往往有誤而未若牛氏所  
摹之尤甚耳四郡者卽所謂河西四郡武帝所置也  
延光二年尙書陳忠上疏云敦煌置校尉增四郡屯  
兵以西撫諸國是也敦煌太守本以治西域事而呼  
衍王在北爲之犄角其在南則陽嘉四年呼衍王侵  
車師後部漢發兵救之掩擊於勒山不利者卽燉煌  
太守也其後元嘉元年漢吏士四千餘人出塞至蒲



類海呼衍王聞而引去漢軍無功而還者亦敦煌太守也惟是年雲中裴岑斬馘部衆爲前後罕見之績而史顧闕焉何也是碑重摹之本亦在巴里坤未可以得自塞上者遂爲真也長沙顧蘆汀文鉷重刻於濟甯者乃作立海祠蓋亦非從真本出耳

潛研堂金石文跋尾云按漢自安帝以後北匈奴呼衍王常展轉蒲類秦海閒專制西域共爲寇鈔及班勇爲長史破平車師西域稍通順帝陽嘉四年春呼衍王復將二千人攻後部破之當是時呼衍之勢日張岑能以部兵誅之克敵全師紀功勒石可謂不世

新華書局印  
二 印書局印  
之奇績矣而漢史不著其事蓋其時朝多秕政妨功  
害能者衆而邊郡之文簿壅於上聞故也

申兆定漢碑文字跋云考漢書順帝永和二年二月  
鮮卑寇遼東護烏桓校尉耿晷率南單于擊破之六  
月西域長史班勇敦煌太守張朗討焉耆尉犂危須  
三國破之竝無裴岑克敵之文夫將兵克敵誅其名  
王厥功偉矣乃見遺於史官功名顯晦豈非命乎

金石萃編云按是碑在巴里坤城西北三里關帝廟  
前巴里坤今已譯改爲巴爾庫爾亦爲巴爾庫勒於  
前漢爲匈奴東蒲類王茲力支地後漢屬伊吾盧地



後魏屬蠕蠕隋屬伊吾郡後入突厥唐屬伊州伊吾  
縣明屬瓦刺詳見西域圖志中其地西北山麓檻泉  
競發分爲三支匯入於巴里坤淖爾卽漢蒲類海也  
碑稱永和二年爲後漢順帝十二年史傳不著其事  
蓋當時敦煌郡人爲裴岑建祠而立乾隆二十二年  
平定伊犁裘文達公奉

命按行其地親見是碑

得拓本歸遂顯於世後求者頗衆戍卒模搨以爲利  
好事者恐其剗損刻一本以代之故近搨非真本也  
初在關中門人申子兆定重摹一本勒石碑林蒼勁  
幾亂真故亦爲時所愛申子又嘗重摹東漢仙集留

題字卽刻于裴岑碑陰云案徐氏西域水道記作海  
祠西域圖志作德祠予見余松巖大令培森得道光  
年間舊搨係鎮西張茂才家藏之本碑文六十字均  
明晰惟德海二字漫滅不可甚辨

### 煥彩溝漢碑

熊懋獎西行記略云煥彩溝舊名棺材溝岳威信公  
改今名西域水道記云煥彩溝在姜行本碑東南五  
十里煥彩溝三字立石路側理藩筆帖式正書填以  
朱其石亦漢碑石之陰隸書四行首行曰惟漢永和  
五年六月十五日下二行曰臣雲中河南侯獲餘皆

不可辨識或云孝廉舊邱烏埒張掖長九字或云侯  
獲字祖奮

漢烏壘磨崖石刻

烏壘石刻在今拜城東二百里明布拉克山光緒三  
年劉襄勤公錦棠督師西下部將提督徐萬福統建  
威軍先驅至拜城境營夫樵採至山見此石刻萬福  
梯絕壁剔苔蘚搨數百紙石高一尺三寸寬一尺額  
文三行行三字首行第一字似烏第二字當是壘第  
三字缺當是官名二行第一字是淳第二字誦于第  
三字缺當是人名或云卽誦文忠建字三行是作此

誦三字誦文凡八行第一行龜茲左將軍劉平國以

缺四字發家第二行從人孟伯山狄虎賁趙常缺三字第

三行缺三程何缺二六人共來升缺三第四行缺三

關八月一日始斲岩作孔缺二第五行缺三萬缺一

人民喜長壽億年宜子第六行孫永壽四年八月甲

戌朔缺一二日第七行缺一酉直建紀此東烏壘關

城缺一第八行缺三軍所作也缺一披下

葉昌熾釋文第一行作京兆長第二行溘于伯隗第

三行作此誦王仁俊釋文第一行作京□□第二行

溘于□第三行作此誦田氏釋文同葉而謂伯下隗

字求之形迹無可依據今細玩石刻每行只三字首  
行京字係偏旁若作京字與下文大小不類除溇于  
作此誦五字文皆剝落不可辨不必強爲之說也

葉昌熾劉平國開道記釋文第一行龜茲左將軍劉  
平國以七月二十九日發家第二行從秦人孟伯山

狄虎賁趙當卑毛第三行右當卑程阿羌等六人共

來作利高從第四行寸谷關八月一日始斷一作鑿岩

作此一作釋至八日第五行以堅固萬歲人民喜長壽

億年宜第六行子孫永壽四年八月甲戌朔十二日

第七行乙一作巳酉直連紀此東烏累關城四第八行

將軍所作也。披案斲山開道絕非八日之工六人  
共來下所釋諸字於事實一無證據似不必強作解  
人也從秦人之秦字今石本剝落毫無形似不知何  
所據也

王仁俊釋文第一行龜茲左將軍劉平國以七月二  
十六日發衆第二行從秦人孟伯山狄虎賁趙當卑  
莫羌第三行刁宿車程阿羌等六人共來作州亭得  
第四行<sub>奇</sub>谷關八月一日始斲山石作孔至廿日第  
五行以堅固萬歲人民喜長壽億年宜第六行子孫  
永壽四年八月甲戌朔十二日第七行乙酉直建紀



屯東烏累關城比第八行將軍所作也从披案王氏  
所釋諸字多臆造不可信石久剝落萬難辨識闕疑  
可也劉平國本龜茲左將軍乃漢人爲西國官者從  
龜茲至烏累無緣而至伊州去駱谷尤荒遠於當時  
情事皆刺謬不合斲岩之岩分爲山石二字亦未審  
永壽四年爲漢桓帝之十二年考通鑑目錄是八年  
月朔實爲甲戌朔下當是十字酉上當是乙字漢書  
西域傳龜茲有左右將後漢班超傳云超發于寘諸  
國兵二萬五千人復擊莎車而龜茲王遣左將軍發  
溫宿姑墨尉頭合五萬人救之蓋左右將亦稱左右

將軍此刻龜茲左將軍卽其職也劉平國無可考乃漢人爲西國官者玩其文義蓋烏壘關人淳于某爲將軍劉平國作誦之詞

漢書西域傳龜茲國東至都護治所烏壘城三百五十里烏壘在龜茲之東故此石稱東烏壘關城西域圖志謂烏壘當今喀喇沙爾之策特爾其國屬地當北至今拜屬之明布拉克山而建關於此

碑嶺漢碑

策府統宗云齊克達坂之北有碑嶺上有漢碑載其地之沙磧險遠今已字跡剝落不能辨識案齊克達

坂亦作七箇達坂屬迪化縣其碑今已無存

喀什噶爾山洞石壁古畫

槐西雜志云喀什噶爾山洞中石壁剝平處有人馬像回人相傳云是漢時畫也頗知護惜故歲久尙可辨漢畫如武梁祠堂之類僅見刻本真跡則莫古於斯矣後戍卒燃火禦寒爲烟氣所薰遂模糊都盡惜初出師時無畫手橐筆摹留一紙也又云余嘗惜西域漢畫毀於烟煤而頗疑一千年筆迹何以能在從姪虞惇曰朱墨著石苟風雨所不及苔蘚所不生則歷久能存易州滿城接壤處有村曰神星大河北